



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

V. Hermann, Propst zu Hamburg, so wie Günzel und Heinrich, Grafen von
Schwerin, überlassen dem Kloster Diesdorf vier Hufen zu Barnebeck, am
10. Juli 1217.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

nimine specialiter . . . concessionem et institutionem a bone memorie Herm. Comite, Othelrici Comitis Werbetke filio, de assensu diocesani canonice factam donationem quorundam locorum ab ipso diocesano episcopo similiter ipsi ecclesie factam et liberam electionem in instituendo prelato, sicut ea a vobis rationabiliter et ab ipsa ecclesia iuste et sine controversia possidentur et in scripto autentico ipsius Episcopi sunt annexa, eidem ecclesie auctoritate apostolica confirmamus. Statuentes ut nulli omnino hominum liceat hanc paginam nostre protectionis et confirmationis infringere vel ei ausu temerario contraire. Si quis autem hoc attemptare presumpserit, indignationem omnipotentis Dei et beatorum Petri et Pauli apostolorum ejus se noverit incursum. Datum Laterani, VIII. Kal. Septembris, pontificatus nostri anno primo.

Gercken's Dipl. I, 425—427.

IV. Markgraf Otto überläßt dem Kloster Diesdorf seine Rechte in Diesdorf und Berkmere, um das Jahr 1200.

In nomine sancte et individue trinitatis. Secundus Otto, Dei gratia Brandenburgensis Marchio, Notum sit universis tam presentibus quam futuris, quod ego quicquid in villa Distorp et Beremore juris habui, ecclesie beate Marie virginis in Distorpe libere contuli. Ac nequis jam dictam ecclesiam in precariis sive exactionibus sive in cujuscunque modi obsequiis temerario ausu molestare presumat, ut hanc ratihabitionem inconvulsam permanere faciam, eam literarum mearum annotatione et sigilli mei impressione communiri jussi. Testes hujus sunt Henricus Comes de Dannenberg, Comites de Luchow, Wernerus et Olricus, Dominus Friedericus de Osterwald, Dapifer, Rudolphus et fratres ejus, Gerhardus et Johannes Ganse, Burchardus de Kocftede.

Senß Br. Urf. S. 864 (wo die Urkunde in das Jahr 1190 gesetzt ist) und Beckmann's Besch. V, I, X, Sp. 142.

V. Hermann, Propst zu Hamburg, so wie Günzel und Heinrich, Grafen von Schwerin, überlassen dem Kloster Diesdorf vier Hufen zu Barnebeck, am 10. Juli 1217.

Univerſis scriptum hoc inspicientibus Hermannus prepositus Hamburgensis, Gunzelinus et Henricus, Comites Suerinenses, salutem et obsequium. Quoniam facta hominum cum tempore transeunt et mutantur, idcirco facta eorum noticie posterorum per scripta authentica commendantur. Scire itaque volumus omnium Christi fidelium tam presencium quam futurorum industriam, quod nos pro eterna remuneratione IV. mansos in Bernebeke proprietatis nostre cum

omni jure, quod habuimus in iis, sancte Marie in Distorp ad perpetuum usum contulimus. Ne ergo in posterum super his aliqua dubitatio habeatur, vel memoria nostra in hoc facto deleatur, curavimus hanc firmiter conscribi et sigillis nostris communiri. Testes aderant clericus Boldesalus prepositus in Ebbestorpe, Rutegerus sacerdos in Boyzeneburg, Arnoldus sacerdos in villa, Hermannus Canonicus Suerinensis, Christianus Prepositus in Distorp, Laicus Wernerus Comes in Luchowe, Vlricus Comes in Luchowe, Henricus Comes in Luchowe, Waltherus de Boldensele, Bernardus de Berge, Tidericus de Wustrowe, Wipertus de Odendorpe, Bernardus de Suerin, Fridericus de Quiringhe, Leiboldus aduocatus, Helmricus de Todendorp, Alexander de Verfne aliique plures. Acta sunt hec Anno Domini M^o. CC^o. XVII^o. Indict. V. acta ap. Maldesten VI. Idus Jul.

Gerfen's Fragm. 1, 6. Lenz Br. Urk. S. 867.

VI. Yfo, Bischof von Verden, genehmigt einen Gütertausch zwischen der Propstei zu Döhre und Lippold von Döhre, im Jahre 1223.

In nomine sancte et individue trinitatis Yfo, dei gratia Verdenfis ecclesie episcopus, omnibus in perpetuum. Ad notitiam tam futuri quam moderni temporis uniuersorum Christi fidelium volumus pervenire, quod Lippoldus de Dore et frater eius Gerardus in presentia nostra quedam bona in Benthorpe, videlicet decem manforum decimam et eorundem tertium manforum ac dimidii censum ab ecclesia in Dore quibusdam bonis aliis, que a Comitibus de Dannenberge tenebant, rationabiliter commutarunt, in molendino Dore sex quadrantes siliginis et in censu predictae ville Benthorpe XIII. quadrantes siliginis de bona voluntate predictorum Comitum jure perpetuo ecclesie relinquentes hoc pacto, quod predicti XX. Wichempton siliginis ecclesie Dore de molendino et censu predictae ville annuatim priusquam Lippoldus aut sui heredes quicquid inde recipiant persoluentur. Itaque jam dicti nobiles feodum, quod a nobis in bonis Lippoldi habebant, commutationem premissam ratam habentes per omnia, nobis liberaliter resignarunt, et in loco eiusdem bona que prius possidebat ecclesia susceperunt. Cum ergo ex inuncto nobis officio teneamur ac quantum scimus ac possumus velimus indemnitati ecclesiarum omnium providere, commutationem sepedictam ratam habentes, bona que sicut dictum est Lippoldus et frater ipsius G. assignauerunt ecclesie, auctoritate dei omnipotentis sub apostolorum Petri et Pauli banno et nostro comprehendimus speciali, statuentes ut si quis hoc factum irrationabiliter aut violenter irritare presumerit, partem cum Juda traditore ac locum in penis accipiat cum dampnandis. Et ut firmiter obseruetur presentem paginam bulle nostre appensione fecimus communiri. Testes sunt Prepositi Wedekindus de Saltwedele, Syfridus de Walsrode, Geruafius de Ebbekestorpe, Thidericus de Distorp, Dominus Ludolfus de Luchowe, Magister Helmericus de Bardaic, Helmericus, Capellanus, Hogerus de Eckhorft, ciues et